

MPP UMS Sesi 2020/ 2021 tekad terus perkasa komuniti mahasiswa

UB 20.03.2021 P.2

Oleh Amir Anuar

KOTA KINABALU: Majlis Perwakilan Pelajar (MPP) Universiti Malaysia Sabah (UMS) Sesi 2020/ 2021 meletakkan sasaran untuk terus memperkasakan komuniti mahasiswa.

Presiden MPP UMS Razman Durhan berkata sasaran mereka adalah untuk meneruskan agenda kepimpinan terdahulu dan memperbaiki kelemahan atau kekurangan yang ada.

“Antaranya memperkasakan hak orang kelainan upaya, meningkatkan penglibatan wanita dalam organisasi dan memelihara ekosistem ekonomi mahasiswa,” katanya.

Pada masa sama, agenda lain yang turut disifatkan penting adalah memperbaiki atau mencipta inisiatif untuk membantu kebajikan mahasiswa di institusi pendidikan

terbabit.

Razman ditemui media sempena Majlis Watikah Pelantikan MPP UMS Sesi 2020/ 2021 yang disampaikan Naib Cancellor UMS Dr Taufiq Yap Yun, di UMS di sini, semalam.

Menyentuh pelantikan MPP baharu juga, Dr Taufiq berharap semua MPP yang dilantik akan memanfaatkan peluang menjalani proses menjadi pemimpin yang baik.

“Pelantikan ini adalah satu pengiktirafan kepada kepimpinan mahasiswa yang terpilih sebagai perwakilan untuk membawa kebaikan kepada komuniti yang mereka wakili.

“Kita akan mengeratkan kerjasama dengan MPP untuk memberi kebaikan kepada semua mahasiswa UMS khususnya yang melibatkan operasi universiti,” katanya.



AMANAH: Razman (kiri) menerima watikah pelantikannya sebagai Presiden MPP UMS Sesi 2020/ 2021 daripada Dr Taufiq.